

hverjum tíma og kveða á um gagnkvæmar skyldur samningsaðila vegna þeirrar starfsemi sem málstöðin hefur með höndum.

Forstöðumaður Íslenskrar málstöðvar ber ábyrgð á því að rekstrarútgjöld og rekstrarafkoma hennar sé í samræmi við fjárlög og að fjármunir hennar séu nýttir á árangursríkan hátt. Hann hefur umsjón með gerð árlegrar fjárhagsáætlunar vegna undirbúnings fjárlaga. Skal henni fylgja greinargerð um hvernig starfsmarkmiðum málstöðvarinnar verði náð með hliðsjón af langtímaáætlun.

Forstöðumaður Íslenskrar málstöðvar hefur yfirumsjón með húsakynnum og öllum eignum hennar.

Um ábyrgð forstöðumanns Íslenskrar málstöðvar, að öðru leyti en að framan greinir, fer eftir ákvæðum laga nr. 70/1996 um réttindi og skyldur starfsmanna ríkisins, með síðari breytingum.

Erindisbréf þetta, sem sett er samkvæmt 38. gr. laga nr. 70/1996, um réttindi og skyldur starfsmanna ríkisins, og með skírskotun til laga nr. 2/1990 um Íslenska málnefnd, með síðari breytingum, öðlast þegar gildi og gildir þar til annað verður ákveðið af menntamálaráðherra.

Menntamálaráðuneytinu, 18. október 2000.

REGLUGERÐ

um holræsagjald í Reykjavík.

1. gr.

Af öllum fasteignum í lögsagnarumdæmi Reykjavíkur, sem liggja við götur eða opin svæði, sem holræsi hefur verið lagt í, skal greiða árlegt holræsagjald til borgarsjóðs Reykjavíkur.

2. gr.

Upphæð holræsagjalds skv. 1. gr. skal vera 0,15% af fasteignamati allra húsa og lóða skv. lögum um skráningu og mat fasteigna nr. 94/1976, með síðari breytingum. Sé ekkert mannvirki á lóð greiðist ekki holræsagjald.

3. gr.

Heimilt er að lækka eða fella niður holræsagjald, sem tekjulitlum elli- eða örorkulífeyrisþegum er gert að greiða skv. reglugerð þessari, í samræmi við nánari ákvörðun þar um.

4. gr.

Holræsagjald hvers árs fellur í gjalddaga 15. janúar og skal það innheimt með sama hætti og fasteignaskattar.

5. gr.

Holræsagjald greiðist af hús- eða íbúðareiganda, lóðareiganda, ef um eignarlóð er að ræða, en af leigutaka ef um leigulóð er að ræða og bera þessir aðilar ábyrgð á greiðslu gjaldsins. Holræsagjaldið má innheimta með aðför í hinni gjaldskyldu eign án tillits til eigendaskipta. Nýtur holræsagjaldið lögveðsréttar í lóð og mannvirkjum næstu tvö ár eftir gjalddaga með forgangsrétti fyrir hvers konar samningsveði og aðfararveði.

6. gr.

Reglugerð þessi, sem samin er og samþykkt af borgarstjórn Reykjavíkur, staðfestist hér með samkvæmt X. kafla vatnalaga nr. 15/1923 til þess að öðlast þegar gildi. Jafnframt fellur úr gildi reglugerð um holræasagjald í Reykjavíkurborg nr. 658/1994.

Félagsmálaráðuneytinu, 5. desember 2000.

F. h. r.

Húnbogi Þorsteinsson.

Guðjón Bragason.

REGLUGERÐ

um breytingu á reglugerð um Hoppdrætti Háskóla Íslands, nr. 348 8. október 1976, með síðari breytingum.

1. gr.

10. gr. orðist svo:

Hver hlutamiði ber áprentað númer, frá 1 til 60.000, auk auðkenna raðarinnar, svo og verð miðans og dráttardag. Á hvern miða skal prenta nafn og merki happdrættisins, svo og nöfn stjórnarformanns og framkvæmdastjóra. Hver hlutamiði skal einnig vera merktur því umboði, ásamt heimilisfangi, þar sem hann hefur verið seldur. Ef menn kaupa hlutamiða, sem gildir fyrir alla drætti á sama ári (ársmiða), skal það koma fram á miðanum.

2. gr.

1. málsg. 11. gr., sbr. reglugerð nr. 688/1998, orðist svo:

Verð hlutamiða er 800 kr. í hverjum flokki. Fyrir ársmiða skal greiða 9.600 kr. Ef eigandi miða vill gera hann að ársmiða, eftir að drættir, einn eða fleiri, hafa farið fram, skal hann greiða fyrirfram fyrir þá drætti, sem eftir eru. Ef menn vilja kaupa hlutamiða eftir að drættir eru byrjaðir á árinu, skal greiða fyrir hann, auk verðs hans í flokki þeim, sem næst á að draga í, samanlagt verðmæti 1/8 hluta miðaverðsins í öllum þeim flokkum, sem dregið hefur verið í á árinu. Ef menn hafa ekki greitt fyrir hlutamiða í einum eða fleiri flokkum sem liðnir eru innan happdrættisárs en vilja gera hlutamiðann gildan í næsta útdrætti skal greiða fyrir hann, auk verðs hans í þeim flokki sem næst á að draga í, samanlagt verðmæti 1/8 hluta miðaverðsins í þeim flokkum sem liðnir eru frá því hann var síðast gildur.

3. gr.

13. gr. orðist svo:

Í upphafi hvers árs eiga menn kost á því að kaupa hlutamiða með sama númeri, sem þeir hafa haft næsta ár á undan, ef þeir greiða fyrir miðann fyrir fyrsta útdrátt á nýju ári.

4. gr.

15. gr., sbr. reglugerð nr. 638/1995, orðist svo:

Dráttur í hverjum flokki er þrískiptur. Fyrsti hluti dráttar í 1. flokki skal fara fram 17. janúar ár hvert, en í öðrum mánuðum 10. hvers mánaðar. Ekki skal þó dregið á laugardögum, helgidögum eða öðrum almennum frídögum, né heldur fyrsta virkan dag eftir almennan frídag. Fer dráttur þá fram næsta virkan dag þar á eftir. Annar hluti útdráttar hvers mánaðar skal fara fram viku síðar en fyrsti útdráttur. Þriðji hluti útdráttar hvers mánaðar skal fara